

料视一切。周荔樵送至东便门外。舒兰生、许次欧送至通州。总理诸公遣弁追至半途相送。英鄂田观察、文彬如副戎、高星槎刺史、祥瑞生都阍均迎至西关外，并预备公馆。极力辞之，径由车登舟。晤潘子谦，则赓臣所为料理者，渠意颇不属，且知其已有人送车矣。

廿六日。遣车马还京，便致周桂伍一信，为虑魏赓臣已出京，车马入京无与承受者，故托之桂伍。是日行百二十里，泊苏家庄。

廿七日。行百四十里，至木庄^{在河西务下十八里}。河道纡回，北风过大，五鼓开行，夜久始收泊。

廿八日。行七十里，至杨村。王仁庵来见，其马队一营，驻此七年矣。又六十里，泊北塘。黎召民、马松岩遣人来迎，距天津尚三十里也。

廿九日。何心茹、文毅夫来见，因留心茹早饭。代理天津县武申山来报伯国已至虹桥，率文武官请安毕。遂诣中堂处。曾栗诚亦在。旋过黎兆民、唐景星谈。晚乃回船。朱石翹、魏赓臣、王鼎臣、黄泽生、何心茹、曾栗诚、任芝田谈至三鼓始散。回陈鹤云一信。

三十日。回拜各处。诣李铁梅师久谈。伯相邀早饭，同席唐景星、魏赓臣、曾劼刚。酒罢回船，送者云集，乃放船至紫竹林。宋吉堂带领怡和行卑比其来至一谈，知为英国人而寓居蒲桃牙，旦夕将回国，特来一见，到英国后尚可一相照拂也。致刘荫渠、曾沅甫。又为曹瑞安致荫渠一信，为刘勋安致沅甫一信。

十月

十月初一日戊子。由紫竹林开行，至大姑塘候潮。管事陈仪